



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Venerabilis Arnesti, (vulgò Ernesti) Primi
Archiepiscopi Pragensis**

Balbín, Bohuslav

Pragæ, 1664

Notæ in Caput X.

urn:nbn:de:hbz:466:1-42763

ferant, Avenionem judicandos, tradit Pius Pontifex. Sed ante id <sup>Sylvius in his
Bob. C. 33.</sup> Nicolaus Tribunus Romanorum, qui populum Romanum adversus Pontifices concitârat, Pragam veniens, ab Arnesto convictus erroris, Avenionem missus est, adeoque duorum Pontificum Innocentij VI. & Urbani V. authoritas asserta, Carolo Cesari, & per eum Arnesto debetur. Maxima certè Caroli in Ecclesiam merita Raynal- <sup>Tempo XVI.
Annal. Eccles.</sup> dus Annalium Ecclesiasticorum post Baronium nobilissimus Scrip-
tor toties deprædicat, ut omnem ei paginam Caesar Carolus fecisse videatur. Inter alia narrat, Carolo potissimum authore factum, ut Pontifex Urbanus Avenione relictâ (quod universus Christianus orbis pridem optârat) Romæ sese restitueret, Romamq; Sedem transferret; jam verò cùm Pontificis authoritas ob Vice Comitem Mediolanensem Romæ laboraret, collecto exercitu Carolus in Italiā descendit, ac Sedis Apostolicæ vires firmavit. Quanquam postea A. 1370. ad repetendas Gallias idem Pontifex pessimis consilijs, ut loquitur, & deplorat Raynaldus, sit inductus,

Notæ in Caput X.

Regnare artem difficillimam. *Vide* Caussin. L. 1. Aula S. Ratione 7. Probat id Synesius L. de Regno ad Arcadium, & Stobæus serm. 47. ubi etiam refert Antigoni verba ad vetulam, que cum ut felicissimum salutârat.

In Imperij arcana duci. *Vni Ministro cuncta com-* Reverentia
mitti non debere probavit Scipio Ammiratus Politicorum Princeps, erga aliquem
L. 15. Politic. Discursu. 1. debet tamen habere aliquos magis intimos cessaria.
& unum etiam quem revereatur. *Idem. L. 14. Disc. 1.* Talis ob san-
ctitatem, scientiam, dignitatem, & autoritatem Arnestus. Sic Ca-
rolus V. Imperator uno ferè Cardinale Granvellano utebatur, ut
Augustus Mecœnate. *Vide Typotium L. 1. de Hierogr. C. 129.* qui
conditiones eorum Ministeriorum expendit:

Regibus primam Religionem esse oportere. *Religio vin-
culum Regis & subditorum.*

Id probavit omnium optimè Carolus Scribanus S. J. in Christiano-Politicis; vide etiam Justum Lipsium in Politicis: Strada id sepe inculcat Dec. 1. L. 2. de Belgij rebellione, & L. 5. in verbis Margaritæ Austriae ad Comitem Egmontium. Exempla pulcherrima habet in libro antiquo Lupoldi Bebenburgij, Episcopi Bainbergensis, cui titulus: de zelo veterum Principum Germaniae.

Decretis confixi hæretici. Recitat decretum il-
lud Caroli Cæsaris Hagecius, quo hæreticos omnes in Bohemia flam-
mis publicè jubet exuri.

Festum Reliquiarum. Celebratur die Veneris post
octavam Pascha (Hagek Anno 1349.) tanta eo die hominum ex vici-
nis regionibus confluens multitudo, ut Panis Pragæ decesset. A. 1388.
centum peregrinorum millia die uno Pragæ fuere numerata.

Deo studium hoc placuisse. De S. Nicolai
In ejus vita. dígito sanguinem stillante, dicam postea. S. Agnes de Monte Politia-
no Carolum Cæsarem sepulchrum ejus visitantem apertis subito och-
lis blande intuita est, & quasi salutaret, arrisit.

**Nova ab eodem VENERABILI
Arnesto consilia Carolo imperan-
ti data.**

CAPUT XI.

Mirabuntur fortasse Lectores, cur in *Arnesti vita de Carolo*
Cæsare multa narrentur; facilis enim verò defensio: u-
triusque gesta permixta sunt; Carolus ipse quantus est,
Arnesti opus est; qui *Carolum* hic omitteret, gemmam
ex *Corona Arnesti* pulcherrimam ac pretiosissimam, aut potius
ipsam